

rallité volonté et comme chose a luy donnée et léguée et ceddée ce faisant en bon héritier particulier, *Item* donne et légue cede quicte et delaisse le dict testateur a honneste Jacques de Marthelange son frère et painctre verrier assavoir tous les droicts, noms, raisons et actions que le dict Jacques areceu au nom du dict testateur et que luy estoient escheu et advenuz par le moien du decez de leur dict feu pere et ce pour en faire a sa liberalle volonte le faisant en ce son heritier particulier, *Item* donne et légue le dict testateur a celluy de ses enfans qui vouldra estre de l'estat du dict testateur et ce oultre ce qui sera plus escript assavoir tous les portraits et petits tableaux avec les ustensiles propices au dict estat et qui seront lors en nature apres son dict decez, et s'ils sont deux sera mesparty par moytié à la condicion qu'ils ayderont a leurs aultres frères de leur pouvoir ce qu'ilz pourront, *Item* donne et légue le dict testateur à tous et chescuns ses aultres parents ou prétendant droicts et hoyrie en ses biens pour une foyseullement la somme de cinq solz tournoys payables incessamment apres son decez par ses dictz heritiers particuliers, *Au résidu* de tous et chescuns ses aultres biens meubles immeubles or argent, droicts, noms, raisons et actions passées et advenir quelconques qu'il n'a cy dessus donnés ne légués donnera ne leguera cy apres, ses debtes legatz fraiz funeraires haulmosnes et pies causes preallablement paies et satisfaictz, *Le dict* Estienne de Marthelange testateur susdict a faict et faict, creu institue et nomme comme par ses présentes il fait creu institue et nomme de sa propre bouche ses héritiers universels et veult qu'ils soient de plain droict, *Assavoir* honorable femme Claude de Roy sa chiere et bien aymee femme, Estienne, Benoist, Ollivier ses enfans ensemble le posthum ou posthume ung ou plusieurs duquel ou desquels la dicte de Roy se trouvera en sainte lors du decez du dict testateur chescun par esgalle part et portion laissant néanlmoingtz la charge et admi-